

ზესტაფონის მუნიციპალიტეტის საკრებულო

№ 05/1
საქართველოს იუსტიციის
სამინისტრო
შტაბილთა ნორმატიული აქტების
სახელმწიფო და მინიჭებული
სამსახურის სარეგისტრაციო კოდი
" 9 " მსხვა 2010 წ.
№ 200 230 000 35 127 005 886
24 თებერვალი 2010 წელი

დადგენილება № 5

ქ. ზესტაფონი

ზესტაფონის მუნიციპალიტეტის ტერიტორიის ზონირებისა და მიწის გადასახადის ტერიტორიული კოეფიციენტის განსაზღვრის შესახებ

„საქართველოს საგადასახადო კოდექსის“ 273-ე მუხლის მე-9 პუნქტის, 274-ე მუხლის მე-7 პუნქტისა და „სახელმწიფო და ადგილობრივი თვითმმართველი ერთეულის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის განსაზღვრის წესის დამტკიცების შესახებ“ საქართველოს პრეზიდენტის 2007 წლის 26 ოქტომბრის №603 ბრძანებულების შესაბამისად ზესტაფონის მუნიციპალიტეტის საკრებულომ დაადგინა:

მუხლი 1.

1. ქალაქ ზესტაფონის ტერიტორია დაიყოს სამ ზონად (დანართი №1):

- ა) ცენტრალური ზონა - კვარტალი 07,08;
- ბ) შუალედური ზონა - კვარტალი 03,04,05,06,10,11,14,15,16;
- გ) პერიფერიული ზონა - 01,02,09,12,13.

მუხლი 2.

1. ცენტრალური ზონა - მიწის გადასახადის ტერიტორიული კოეფიციენტი 1,4 რომლის საზღვრებია:

- ა) აღმოსავლეთით - ცენტრალური გზაგამტარი ხიდი.
- ბ) დასავლეთით - გვირაბიდან დასავლეთის მიმართულებით რკინიგზის გაყოლებით კომუნალური მეურნეობის უკან მდებარე ტერიტორიისა და წინასაყრელის ჩათვლით მთლიან პერიმეტრზე ქალაქის ადმინისტრაციულ საზღვრებში.

გ) ჩრდილოეთით - ცენტრალური გზაგამტარი ხიდიდან რკინიგზის მთლიან კონტურზე მარცხენა მხარე გვირაბამდე.

დ) სამხრეთით - ცენტრალური გზაგამტარი ხიდიდან მდინარე ყვირილას მარჯვენა სანაპირო მთელ კონტურზე წინასაყრელის სამხრეთით ბოლო წერტილამდე, კვალითის დასახლების დამაკავშირებელი ხიდის მიმდებარე ტერიტორიამდე.

მუხლი 3.

1. შუალედური ზონა - მიწის გადასახადის ტერიტორიული კოეფიციენტი 1,3 რომლის საზღვრებია:

- ა) მარჯვენა შუალედური ზონა - აღმოსავლეთის მხრიდან ვ. ბატონიშვილის ქუჩაზე გეწამეების უბნის ასახვევიდან ათონელების ქუჩის გადაკვეთამდე.
- ბ) ჩრდილო-აღმოსავლეთით ათონელების ქუჩა უზნაძის ქუჩის გადაკვეთამდე და უზნაძის ქუჩა.
- გ) ჩრდილოეთით ქალაქ ზესტაფონის ადმინისტრაციულ საზღვრამდე ჩათვლით.

დ) სამხრეთით - ვ. ბატონიშვილის ქუჩაზე გეწაძეების უბნის ასახვევიდან რკინიგზის გასწვრივ მარჯვენა მხარეს მერჩულეს ქუჩის გადაკვეთამდე გრ. ხანძთელის ქუჩის ბოლომდე.

ე) დასავლეთით - მერჩულეს ქუჩიდან მიემართება ფშქ-ში შემავალი სარკინიგზო ხაზის გასწვრივ მოქალაქე ზ. გამრეკელაშვილის სახლამდე. აქედან ჩრდილო-დასავლეთის მხარეს მოქალაქე გამრეკელაშვილის სახლიდან აბესაძისა და ლალიძის ქუჩის გადაკვეთამდე ნინოშვილის ქუჩის გაგრძელებაზე ზედა საქარის საზღვრამდე.

ვ) მარცხენა შუალედური ზონა - აღმოსავლეთით, დასავლეთითა და სამხრეთით ქ. ზესტაფონის ადმინისტრაციული საზღვრის ჩათვლით

ჩრდილოეთის მხარე - მდ. ყვირილის გასწვრივ ქ. ზესტაფონის აღმოსავლეთის საზღვრისა და მდინარე ყვირილის გადაკვეთის წერტილიდან დასავლეთით ქ. ზესტაფონის ადმინისტრაციული საზღვრისა და მდ. ყვირილას გადაკვეთის წერტილამდე.

მუხლი 4.

1. პერიფერიული ზონა - მიწის გადასახადის ტერიტორიული კოეფიციენტი 1,1 რომლის საზღვრებია:

ა) მარჯვენა პერიფერიული ზონა - აღმოსავლეთით მარჯვენა შუალედური ზონის საზღვრიდან დასავლეთით, ჩრდილოეთით და სამხრეთით ქ. ზესტაფონის ადმინისტრაციული საზღვრის ფარგლებში.

ბ) მარცხენა პერიფერიული ზონა - კვალითის დასახლება მთლიანად ქ. ზესტაფონის ადმინისტრაციული საზღვრის ფარგლებში.

მუხლი 5.

ზესტაფონის მუნიციპალიტეტის შემადგენლობაში შემავალი სოფლისა და თემის ტერიტორიაზე:

ა) მიწაზე გადასახადის ტერიტორიული კოეფიციენტი განისაზღვროს 0,8.

ბ) დასახლებათა შორის არეალებში 0,6.

გ) დასახლებათა შორის არეალებში გამავალი „საქართველოს საერთაშორისო და შიდასახელმწიფოებრივი მნიშვნელობის საავტომობილო გზების ნუსხის დამტკიცების შესახებ“ საქართველოს პრეზიდენტის 2006 წლის 15 სექტემბრის №554 ბრძანებულებით განსაზღვრულ საერთაშორისო და შიდასახელმწიფოებრივი მნიშვნელობის საავტომობილო გზების 100 მეტრის რადიუსში (თითოეულ მხარეს) არსებულ მიწაზე გადასახადის ტერიტორიული კოეფიციენტი განისაზღვროს 0,8.

მუხლი 6.

კონტროლი დადგენილების შესრულებაზე დაევალოს ზესტაფონის მუნიციპალიტეტის გამგებელს.

მუხლი 7.


დადგენილება ძალაში შევიდეს საქართველოს მოქმედი კანონმდებლობის შესაბამისად.

ზესტაფონის მუნიციპალიტეტის
საკრებულოს თავმჯდომარე  დავით ფერაძე





ქალაქ ზესტაფონის ტერიტორიის ზონირება
ქალაქთმშენებლობითი ღირებულების მიხედვით



კოორდინატები: WGS-84 პროექცია: UTM მასშტაბი 1:12 000	
მონაწილე: ქ. ზესტაფონი, მიწისაკის მუხა	ფართობი: 971,17 ჰა
დაინიშნა:	
პირდაპირი ნიშნები	
<ul style="list-style-type: none"> პერიფერიული ზონა (446.03 ჰა) შუალედური ზონა (399.57 ჰა) ცენტრალური ზონა (125.57 ჰა) 	<p>შ.პ.ს. „MAPANET“ ქ. ზესტაფონი, ფერმთელის №2</p> <p>საკადასტრო აღწერაზე უფლებამოსილი პირი:</p> <p>დაინტერესებული პირი: ზესტაფონის მუნიციპალიტეტი</p>



[Handwritten signature]